

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U VISOKOM

Broj predmeta: 41 0 K 102147 25 K
Visoko, 08.04.2025.godine

U IME FEDERACIJE BOSNE I HERCEGOVINE

OPĆINSKI SUD U VISOKOM, sudija Vesna Latinović, uz sudjelovanje zapisničara Amre Botić, u krivičnom predmetu protiv optuženog K.S., sin E. iz V., zbog krivičnog djela posjedovanje i omogućavanje uživanja opojnih droga iz člana 239. stav 3. KZ F BiH rješavajući po optužnici Kantonalnog tužilaštva-tužiteljstva Zeničko-Dobojskog kantona broj T 04 0 KT 0048325 22 od 13.10.2023. godine na pretresu za izricanje krivično pravne sankcije održanom u prisustvu Kantonalnog tužitelja Ešrefa Sikira i optuženog K.S. i njegovog branitelja Lemeš Tarika, advokata iz Visokog, donio je i javno objavio:

P R E S U D U

OPTUŽENI: K.S., zvani „K.“, sin E. i majke S. rođene A., rođen ... godine u S., sa prebivalištem u V., D. broj ..., i na adresi kod supruge Š. bb, V., pismen, sa završenom srednjom školom, po zanimanju auto-mehaničar, oženjen, otac četvero mladb. djece, Bošnjak, državljanin BiH, JMB: ..., osuđivan, branilac Lemeš Tarik - izabrani branilac,

K r i v j e

Što je:

- zajedno sa još jednim licem:

Dana 08.09.2020. godine oko 20,25 sati, u V., suprotno odredbama člana 4. stav 1., 2., 3. i 5. u vezi sa članom 19. Zakona o sprečavanju i suzbijanju zloupotrebe opojnih droga BiH („Službeni glasnik BiH“ broj 8/06, 103/08 i 51/11), F.K., iako je bio svjestan da je držanje i prodaja opojne droge zabranjeno zakonom, što je i htio, neovlašteno prodao K.S.u za neutvrđen novčani iznos opojnu drogu „cannabis, tetrahidrokanabinol (THC)“ neto težine 0,45 grama upakovanu u plastičnu foliju, koja droga je pod rednim brojem 13. liste opojnih droga i rednim brojem 26. liste psihotropnih tvari iz tabele I „Zabranjene tvari i biljke“ proglašena takvom, a koju opojnu drogu „kanabis“ i „tetrahidrokanabinol“ (THC) neto težine 0,45 grama upakovanu u plastičnu foliju, je K.S. kod sebe neovlašteno držao, iako je znao i bio svjestan da je posjedovanje opojne droge, zakonom zabranjeno, što je i htio,

koja droga je pod rednim brojem 13. liste opojnih droga i rednim brojem 26. liste psihotropnih tvari iz tabele I „Zabranjene tvari i biljke“ proglašene takvom, a koju opojnu drogu je K.S. dobrovoljno predao policijskim službenicima PS Visoko u ulici R.K.,

čime je počinio krivično djelo posjedovanje i omogućavanje uživanja opojnih droga iz člana 239. stav 3. KZ F BiH,

Pa sud optuženom na osnovu istog zakonskog propisa: te na osnovu članova: 42., 49. i 62. KZ F BiH,

i z r i č e

USLOVNU OSUDU

Kojom se optuženom za počinjeno krivično djelo utvrđuje kazna zatvora u trajanju od 6 (šest) mjeseci, a koja se neće izvršiti ako optuženi za vrijeme od 2 (dvije) godine od dana pravosnažnosti presude, ne počini novo krivično djelo.

Na osnovu odredaba člana 78. i 239. stav 4. KZ F BiH optuženom K.S.u se izriče mjera sigurnosti oduzimanje predmeta i to:

-opojnu drogu “cannabis, tetrahidrokanabinol (THC)” u količini od 0,17 grama koja je pohranjena u PS Visoko.

Na osnovu člana 202. stav 4. ZKP FBiH, optuženi se oslobađa plaćanja troškova krivičnog postupka i isti padaju na teret sredstava suda.

O b r a z l o ž e n j e

Kantonalno tužilaštvo Zeničko-dobojskog kantona (u daljem tekstu KT ZDK), optužnicom broj T 04 0 KT 0048325 22 od 13.10.2023. godine optužilo je K.S. zbog krivičnog djela Posjedovanje i omogućavanje uživanja opojnih droga iz člana 239. stav 3. (Službene novine Federacije BiH br. 36/03, 37/03, 21/04, 69/04, 18/05, 42/10, 42/11, 59/14, 76/14, 46/16 i 75/17), (dalje u tekstu KZ FBiH).

Optužnica je potvrđena od strane sudije za prethodno saslušanje ovog suda dana 25.10.2023. godine. Na ročištu o izjašnjenju o krivnji dana 19.03.2025. godine, optuženi K.S. je izjavio da je kriv za krivično djelo posjedovanje i omogućavanje uživanja opojnih droga iz člana 239. stav 3. KZ FBiH.

Na ročištu o razmatranju izjave o priznanju krivnje dana 08.04.2025. godine, sud se uvjerio da je optuženi K.S. izjavu o priznanju krivnje dao dobrovoljno, svjesno i sa razumijevanjem, kao i nakon upoznavanja o mogućim posljedicama ovog krivičnog postupka.

Sud je utvrdio da ima dovoljno dokaza o krivnji optuženog, nakon čega je prihvatio izjavu o priznanju krivnje optuženog i istovremeno odredio pretres za izricanje krivično pravne sankcije.

Sud je stekao uvjerenje da je optuženi K.S. počinio krivično djelo koje mu se stavlja na teret, a koje djelo je izvršeno na način, u vrijeme i u mjestu kako je to navedeno u dispozitivu ove presude nakon izvršenog uvida u predložene dokaze i to: zapisnik o saslušanju svjedoka Š.S. PS Visoko broj 08-02-09/1-1580/19 od 25.12.2019. godine, zapisnik o ispitivanju osumnjičenog K.S. PS Visoko broj 08-02-09/1-835/20 od 09.09.2020. godine, zapisnik o ispitivanju osumnjičenog K.S. KT ZDK broj T04 0 KT 0048325 22 od 21.03.2022. godine, nalaz i mišljenje ispitivanja hemijskog vještačenja broj: 09-18/2-03-5-1601 od 14.10.2021. godine FUP, Centar za forenzička ispitivanja, vještačenja i istraživanja, nalaz vještačenja eksplozivnog sredstva broj 08-02-03/6-03-2-4807-1/21/HN od 13.12.2021. godine MUP ZDK, Uprava policije, Sektor kriminalističke policije, nalaz i mišljenja ispitivanja hemijskog vještačenja broj: 09-18/2-03-5-671 od 15.06.2021. godine FUP, Centar za forenzička ispitivanja, vještačenja i istraživanja, nalaz i mišljenje ispitivanja hemijskog vještačenja broj: 09-18/2-03-5-563 od 15.05.2020. godine FUP, Centar za forenzička ispitivanja, vještačenja i istraživanja, nalaz i mišljenje ispitivanja hemijskog vještačenja broj: 09-18/2-03-5-757 od 18.08.2022. godine FUP, Centar za forenzička ispitivanja, vještačenja i istraživanja, nalaz i mišljenja ispitivanja hemijskog vještačenja broj 08-02-03/6-03-2-3729-1/20 od 15.10.2020. godine MUP ZDK, Uprava policije Zenica sa potvrdom o materijalu preostalom nakon analize od 15.10.2020. godine, izvod iz kaznene evidencije za osumnjičenog K.S., potvrdu o privremenom oduzimanju predmeta PS Visoko broj 08-02-09/1-117/20 od 08.09.2020. godine na ime K.S., zapisnik o izvršenoj radnji privremenog oduzimanja predmeta i popisu privremeno oduzetih predmeta PS Visoko broj 08-02-09/1-117-1/20 od 08.09.2020. godine, zapisnik o otvaranju i pregledu privremeno oduzetih predmeta i dokumentacije PS Visoko broj 08-02-09/1-221-1/20 od 17.09.2020. godine, naredbu za vještačenje KT ZDK broj T04 0 KTA 0043006 20 od 14.09.2020. godine, službenu zabilješku MUP ZDK, Uprava policije Zenica broj 08-02-03/4-95/20 od 08.09.2020. godine, foto-dokumentaciju PS Visoko broj 08-02-09/1-221/20 od 08.09.2020. godine i foto-dokumentaciju PS Visoko broj 08-02-09/1-221-1/20 od 17.09.2020. godine.

Naime, priznanjem optuženog koje je u potpunosti i u skladu sa predloženim dokazima, nesporno je dokazano da je isti počinio krivično djelo koja mu se stavlja na teret.

Sud zaključuje da je optuženi navedeno krivično djelo počinio sa direktnim umišljajem, jer je bio svjestan svog djela i htio njegovo izvršenje, i sud u toku postupka nije posumnjao da na strani optuženog postoje okolnosti koje bi dovele u pitanje uračunljivost optuženog, jer iz predloženih dokaza ne proizilazi sumnja da optuženi nije bio u mogućnosti da shvati značaj svojih djela i da upravlja svojim postupcima u vrijeme izvršenja djela.

Stoga je sud optuženog oglosio krivim za navedeno krivično djelo i izrekao mu krivično pravnu sankciju.

Prilikom izricanja krivično pravne sankcije sud je cijenio optuženom K.S.u kao olakšavajuće okolnosti činjenicu da je priznao izvršenje krivičnog djela koje mu se stavlja na teret, čime je u mnogome doprinjeo utvrđivanju činjeničnog stanja i skraćivanju krivičnog

postupka, te protek vremena od počinjenja krivičnog djela a s druge strane sud je našao kao otežavajuću okolnost činjenicu da je ranije osuđivan.

Cijeneći utvrđene okolnosti na strani optuženog, sud je optuženom K.S., za navedeno krivično djelo utvrdio uslovnu osudu kojom je optuženom za počinjeno krivično djelo utvrđena kazna zatvora u trajanju od 6 (šest) mjeseci, a koja se neće izvršiti ako optuženi za vrijeme od 2 (dvije) godine, od dana pravosnažnosti presude, ne počini novo krivično djelo, u uvjerenju da će se istom, ostvariti svrha kažnjavanja predviđena u članu 42. KZ FBiH, te postići kako opća, tako i specijalna prevencija.

Na osnovu odredaba člana 78. i 239. stav 4. KZ F BiH sud je optuženom K.S. je izrekao mjeru sigurnosti oduzimanje predmeta i to:

- opojnu drogu “cannabis, tetrahidrokanabinol (THC)” u količini od 0,17 grama koja je pohranjena u PS Visoko.

Na osnovu člana 202. stav 4. ZKP FBiH, sud je optuženog se oslobodio plaćanja troškova krivičnog postupka i isti padaju na teret sredstava suda.

Sudija
Vesna Latinović

POUKA: Protiv ove presude dozvoljena je žalba Kantonalnom sudu u Zenici, putem ovog suda, u roku od 15 dana od prijema presude, u tri primjerka.